


欽定四庫全書

子部
本草綱目卷三十四



南京中医药大学图书馆版权所有

詳校官太醫院吏目臣周世泰

編修臣倉聖脈覆勘

欽定四庫全書

本草綱目卷三十四目錄

木部

李時珍曰木乃植物五行之一性有土宜山谷原隰肇
由氣化爰受形質喬條苞灌根葉華實堅脆美惡各具
太極色香氣味區辨品類食備果蔬材充藥器寒溫毒
良直有考彙多識其名奚止讀詩埤以本草益啟其知
乃肆蒐獵萃而類之是為木部凡一百八十種分為六

類曰香曰喬曰灌曰寓曰苞曰襟

舊本木部三品共二百六十三種今併入

二十五種移一十四種入草部二十九種入蔓草三十一種入果部三種入菜部一十六種入器用部二種入

蟲部自草部移入二種外類有名未用移八十一種

神農本草四十四種

梁陶弘景註

名醫別錄二十三種

梁陶弘景註

唐本草二十二種

唐蘇恭

本草拾遺三十九種

唐陳藏器

海藥本草五種

唐李珣

蜀本草一種

蜀韓保昇

開寶本草一十五種

宋馬志

嘉祐本草六種

宋掌禹錫

圖經本草一種

宋蘇頌

日華本草一種

宋大明

證類本草一種

宋唐慎微

本草補遺一種

元朱震亨

本草綱目二十一種

明李時珍

附註

魏李當之藥錄
宋雷斅炮灸

吳普本草
齊徐之才藥對

唐甄權藥性
唐孟詵食療

孫思邈千金
楊損之刪繁

蕭炳四聲
宋陳承別說

南唐陳士良食性
寇宗奭衍義

金張元素珍珠囊
王好古湯液

元李杲法象
元吳瑞日用

明汪穎食物
周憲王救荒

汪機會編
王綸集要

寧原食鑑

陳嘉謨蒙筌

木之一

香木類三十五種
內附六種

柏
本經

松
別錄

杉
別錄 丹
桎木附

桂
本經

筩桂
本經

天竺桂
海藥

月桂
拾遺

木蘭 本經

辛夷 本經

沈香 別錄

蜜香 拾遺

丁香 開寶 即
雞舌香

檀香 別錄

降真香 證類

楠 別錄

樟拾遺

釣樟別錄

烏藥開寶
研藥附

懷香綱目
即
兜婁香

必栗香拾遺

楓香脂唐本
即
白膠香

薰陸香乳香別錄

沒藥開寶

騏驎竭唐本即血竭

質汗開寶

安息香唐本

蘓合香別錄

詹糖香別錄結殺附

篤耨香綱目膽香附

樟腦綱目

阿魏唐本

蘆薈

開寶

胡桐淚

唐本

返魂香

海藥
兜

木香附

本草綱目卷三十四目錄

本草綱目卷之四

木之類

木之一種

木之類

木之類

木之類

木之類

木之類

明李時珍撰

皆一一西指蓋此木至堅不畏霜雪得木之正氣他

木不及所以受金之正
氣所制一一西指也

集解

別錄曰柏實生太山山谷柏葉尤良四時各依
方面采陰乾陶弘景曰處處有柏當以太山為

佳爾並忌取塚墓上者其葉以秋夏采者良蘇恭曰
今太山無復采子惟出陝州宜州為勝八月采之蘇
頌曰柏實以乾州者為最三月開花九月結子成熟
取采蒸曝春礪取仁用其葉名側柏密州出者尤佳
雖與他柏相類而其葉皆側向而生功效殊別古柏
葉尤奇益州諸葛孔明廟中有大柏木相傳是蜀世
所植故人多采以作藥其味甘香異常柏也雷斅曰
柏葉有花柏葉叢柏葉及有子圓葉其有子圓葉成
片如大片雲母葉皆側葉上有微赤毛者宜入藥用
花柏葉其樹濃葉成朶無子叢柏葉其樹綠色並不
入藥陳承曰陶隱居說柏忌塚墓上者而今乾州者
皆是乾陵所出他處皆無大者但取其州土所宜子

實氣味豐美可也其柏異於他處木之文理大者多為菩薩雲氣人物鳥獸狀極分明可觀有盜得一株徑尺者值萬錢宜其子實為貴也時珍曰史記言松柏為百木之長其樹聳直其皮薄其肌膩其花細瑣其實成毬狀如小鈴霜後四裂中有數子大如麥粒芬香可愛柏葉松身者檜也其葉尖硬亦謂之栝今人名圓柏以別側柏松葉柏身者榧也松檜相半者檜柏也蛾眉山中一種竹葉柏身者謂之竹柏

柏實修治

斲曰凡使先以酒浸一宿至明漉出曝乾用黃精自然汁於日中煎之緩火煮成膏

為度每煎柏子仁三兩用酒五兩浸時珍曰此法是服食家用者尋常用只蒸熟曝烈春簸取仁炒研入藥

氣味甘平無毒

甄權曰甘辛畏菊花羊蹄草徐之才曰見葉下

主治驚悸益

氣除風濕安五臟久服令人潤澤美色耳目聰明不

飢不老輕身延年本經療恍惚虛損吸吸歷節腰中重

痛益血止汗別錄治頭風腰腎中冷膀胱冷濃宿水興

陽道益壽去百邪鬼魅小兒驚癇甄權潤肝好古養心氣

潤腎燥安魂定魄益智寧神燒瀝澤頭髮治疥癬時珍

發明王好古曰柏子仁肝經氣分藥也又潤腎古方

味甘而補辛而能潤其氣清香能透心腎益脾胃益

仙家上品藥也宜乎滋養之劑用之列仙傳云赤松

子食柏實齒落更生行

及奔馬諒非虛語也

附方

新舊二服

柏實法

八月連房取實暴收去殼研末
每服二錢溫酒下一日三服渴

即飲水令人悅澤一方加松子仁等分以松脂和丸
一方加菊花等分蜜丸服奇效方用柏子仁二斤

為末酒浸為膏棗肉三斤白蜜白末末地黃末各一
斤擣勻丸彈子大每嚼一丸一日三服百日百病愈

久服延老人虛秘柏子仁松子仁大麻仁等分同研
年壯神老入虛秘溶蜜蠟丸梧子大以少黃丹湯食

前調服二三十九腸風下血柏子十四箇搥碎囊貯
日二服寇宗奭

立止普濟方小兒軀啼驚癇腹滿大便青白色用柏子黃
仁末溫水調服一錢聖惠方

水濕瘡

真柏油二兩香油二兩熬稠
搽之如神陸氏積德堂方

柏葉修治

數曰凡用揔去兩畔并心枝了用糯泔浸
七日以酒拌蒸一伏時每一斤用黃精自

然汁十二兩浸焙又浸又焙待汁乾用之時珍
曰此服食治法也常用或生或炒各從本方

氣味苦微溫無毒

權曰苦辛性溫與酒相宜頌曰性寒之才曰瓜子牡礪桂為之使畏

菊花羊蹄諸石及麴麴伏砒硝弘景曰柏之葉實服餌所重此云惡麴而人以釀酒無妨恐酒米相和異

單用也主治吐血衄血痢血崩中赤白輕身益氣令人

耐寒暑去濕痺生肌

別錄

治冷風歷節疼痛止尿血

甄權

炙罽凍瘡燒取汁塗頭黑潤髮髮

太明

傳湯火傷止痛

滅癥服之療蠱痢作湯常服殺五臟蠱益人

蘇頌

發明

震亨曰柏屬陰與金善守故采其葉隨月建方取其多得月令之氣此補陰之要藥其性多燥

久服之大益脾土以滋其肺時珍曰柏性後凋而耐
久稟堅凝之質乃多壽之木所以可入服食道家以
之點湯常飲元旦以之浸酒辟邪皆有取於此麝食
之而體香毛女食之而體輕亦其證驗矣毛女者秦
王宮人關東賊至驚走入山飢無所食有一老公教
喫松柏葉初時苦澀久乃相宜遂不復飢冬不寒夏
不熱至漢成帝時獵者於終南山見一人無衣服身
生黑毛跳坑越澗如飛乃密圍獲之去秦時二百餘
載矣事出葛洪抱朴子書中

附方

舊十

服松柏法

孫真人枕中記云嘗以三月四
月采新生松葉長三四寸許并

花蕊陰乾又於深山巖谷中采當年新生柏葉長二
三寸者陰乾為末白蜜丸如小豆大常以日未出時
燒香東向手持八十一丸以酒下服一年延十年命
服二年延二十年命欲得長肌肉加大麻巨勝欲心